

Kweshanga omu mutego gw'amabanja g'eirwariro:

Okuteganisibwa kw'obugabe bw'abakazi bw'okutunga obujanjabi omu kuzaara omu Uganda



Amagara g'abakazi
omu kuzaara

EBIHANDIIKO EBIJURIZIIBWEMU

- > <https://www.monitor.co.ug/uganda/news/nationa/baby-detained-by-hospital-over-shs4m-bill-reunited-with-family-after-dna-4377274>.
- > <https://www.independent.co.ug/when-hospitals-become-prisons/>
- > <https://www.theguardian.com/global-development/2023/aug/22/hospital-detentions-for-new-mothers-challenged-in-ugandan-court>



OBURUGIIRIRO BW'OMUSHANGO

Omu mwaka gwa 2021, ekitongore ekirukurwanirira okutunguura obugabe bw'abantu omu mitwarize n'ebyentaasya ekya *Initiative for Social and Economic Rights (ISER)* hamwe n'abakazi babiri, bakahababa barikuhakanisa okukwatira abakazi n'abaishiki omu marwariro ahabw'okuremwa kushashura ebishare by'eirwariro baaheza kuzaara. Enkora egi ey'okukwatira abarwaire omu irwariro neehakanisa engyenderwaho y'eihanga rya Uganda, hamwe n'ebiragiyo by'obugabe bw'abantu omu nsi yoonna, okukira munonga obugabe bw'okutunga obujanjabi, buri muntu kuheebwa ekitiinisa, obutabonabonesibwa, n'obugabe bw'okugira obusingye. Okukwatira abarwaire omu marwariro nikirugiirira ahari gavumenti kuta esente nkye omu buheereza bw'ebyamagara kumara obwire buraingwa hamwe na gavumenti kuremwa kukuraturira kurungi emirimo erikukorwa omu marwariro agatari ga gavumenti.

Ripoota y'ekitongore kya ISER, ei omutwe gwayo gwabaire guri '*Omurwaire kuhinduka omusibe: Okukwatira abarwaire omu irwariro omu Uganda*', ekooreka ku omu mwaka gw'ebyesente ogwa 2020/21, gavumenti ya Uganda ekataho shiringi 174,409,049 kukoresibwa omu irwariro rya Kumi Hospital, Ongino, hamwe na shiringi 130,647,127 kukoresibwa omu irwariro rya Nkokonjeru Hospital.

N'obu amarwariro agatari ga gavumenti garaabe nigatunga obuhwezi ahansi y'enkora y'enkwatanisa ya gavumenti na kampuni ezitari za gavumenti, amarwariro aga gagumiizemu garikukwata abarwaire abarikuremwa kushashura ebishare by'eirwariro. Amarwariro agari hansi y'enkora y'enkwatanisa ya gavumenti na kampuni ezitari za gavumenti gagambirwe kuba nigakwatira abakazi n'abaishiki omu marwariro ahabw'okuremwa kushashura ebishare by'eirwariro.

Omushango ogu nigushaba kooti kukora ebi:

- Kurangirira ku gavumenti ya Uganda eine obujunaanizibwa bw'okurinda obugabe bw'abakazi n'abaishiki abarikwetenga obuheereza bw'ebyamagara omu kuzaara, otwariiremu okuzibira n'okutangira enkora etarikwikirizibwa mu biragiro, ey'okubakwatira omu irwariro baaheza kuzaara ahabw'okuremwa kushashura ebishare by'eirwariro.
- Kushaba gavumenti kutaho enyorekyerero ezirikurinda abakazi abarikutunga obujanjabu omu marwariro agatari ga gavumenti. Okwongyerera ahari eki, gavumenti kureeba ngu hariho obuheereza obutarikushashurirwa oburikuheebwa abakazi abarikuzaza omu byanga ebitarimu marwariro ga gavumenti nainga gavumenti kubashashurira ebishare by'eirwariro omu myanya etarimu marwariro ga gavumenti.
- Kushaba gavumenti kumaraho ebikorwa by'okukwatira abarwaire omu irwariro ahabw'okuremwa kushashura ebishare by'eirwariro kandi ekataho ekiragiro ky'obutarigarukira kukwatira abakazi n'abaishiki omu marwariro baaheza kuremwa kushashura ebishare by'eirwariro.

Okukwatira abakazi abarikuzaza omu irwariro nikumaraho abakazi obugabe bwabo bw'okugira obusingye, ekitiinisa n'okutunga obujanjabu.

Waaba nooyenda amakuru agarikukiraho, hikiirira:

- > Ekitongore kya Initiative for Social and Economic Rights (ISER) aha email: info@iser-uganda.org
- > Ekitongore kya Centre for Reproductive Rights (CRR) Africaoffice@reprights.org

KUKWATIRA ABAKAZI OMU IRWARIRO BAAHEZA KUZAARA

Okushiisham Obugabe bw'Abantu

Okukwatira abakazi n'abaishiki omu marwariro baaheza kuzaara ahabw'okuremwa kushashura ebishare by'eirwariro n'omuze ogurikanyire munonga omu mahanga agakirikukura, kandi nigumaraho obugabe bw'abantu.

- Kushaba gavumenti kukuririra emirimo erikukorwa omu marwariro n'okureeba ngu abakazi abarikuzaza baahebwa obugabe bwabo.
- Kuragiira abarikukwatwaho kushashura abakazi bato abaakwatairwe omu irwariro, shiringi 60,000,000 ahabw'okubakwata batagyendeire ha biragiro n'okuribatiirira obugabe bwabo.

Obukuru bw'omushango

- Omushango ogu nigumurika oburemeezi bw'amaani omuri Uganda, oburikubuganwa omu kutunga obuheereza bw'ebyamagara omu kuzaara, okukira munonga obutata esente zirikumara omu marwariro ga gavumenti. Okuha amarwariro esente zitarikumara nikireetaho emitwarize mibi n'omuringo mubi omu kuha obuheereza, kandi eki nikiteganisa abakazi n'abaishiki aboora. Ahabw'obutabaho buheereza burikumara omu marwariro ga gavumenti, abantu baingi nibagyemeserezibwa kuronda obujanjabu omu marwariro agatari ga gavumenti, kandi obumwe nibaba batarikubaasa kushashura ebishare ebirikushabwa. Omugugu gw'okushashura ebishare ebi obumwe nigurugiiriramu okukwatira omu irwariro abakazi n'abaishiki baaheza kuzaara, ahabw'okuremwa kushashura ebishare by'eirwariro.
- Omushango nigworeka emiringo etari emwe erikumaraho obugabe bw'abakazi, oburimu obugabe bw'okutunga obujanjabu, obusingye n'obutashoorwa hamwe n'obugabe bw'emiringo endiijo. Omushango niguta amaani aha kyetengo ky'ahonaaho ky'okuhindura omu biragiro n'enyorekyerero, kureeba ngu amarwariro agatari ga gavumenti gaahikiiriza obugabe bw'abantu oburikukurirwa omu ihanga n'omu nsi yoona, oburikurwanirira abantu boona kutunga omugisha gurikwingana omu kutunga obuheereza bw'ebyamagara omu kuzaara.
- Okushara kurungi omushango ogu nikwija kworeka ku kooti erikuhamba obugabe bw'abakazi n'abaishiki omu kutunga obuheereza bw'ebyamagara omu kuzaara, kandi ereetere gavumenti kworeka ku erikuhamba obuheereza bw'ebyamagara omu kuzaara obw'omutindo murungi omu bantu abarikutuura omu byaro n'omu ndembo.